

**Government of West Bengal**  
**Backward Classes Welfare Department**  
Writers' Buildings, Kolkata - 700 001,  
Website: www.anagrasarkalyan.gov.in / www.bcwdwb.gov.in

No. 2615-BCW/MR-59/10

Date: 21-07-2010

From : Shri S. K. Ghosh, WBSS  
Deputy Secretary to the  
Government of West Bengal

To : 1) District Magistrate, (ALL)  
2) Sub-Divisional Officer, (ALL)  
3) Block Development Officer, (ALL)  
4) PO-cum-DWO/DWO, (ALL)


**Sub :** Guidelines for Issuance of SC/ST/OBC Certificates.

S i r,

In reference to this Department's memo no. 1464-BCW, dated 30-04-2010 and 1465-BCW, dated 30-04-2010, I am directed to send herewith Bengali versions of the text of the above two memorandum for taking necessary action at your end.

Incidentally, I am directed to say that the contents of para-1 in memo no. 1465-BCW, dated 30-04-2010 have been repeated in para-2 therein through inadvertence, and, as such, para-2 in memo no. 1465-BCW dated 30-04-2010 may kindly be ignored.

Yours faithfully,



Deputy Secretary  
to the Government of West Bengal

# ১৪৬৪-বি.সি.ডব্লু, তাং:- ৩০/-৪/২০১০-এ সূচিত নির্দেশাবলীর মূল অংশের বঙ্গানুবাদ

পশ্চিমবঙ্গ সরকার  
অনগ্রসর সম্প্রদায় কল্যাণ বিভাগ  
মহাকরণ, কলকাতা-৭০০০০১

নং:- ১৪৬৪-বি.সি.ডব্লু/এম.আর.-৫৯/১০

তাং:- ৩০/০৪/২০১০

## স্মারকলিপি অন্যান্য অনগ্রসর শ্রেণীর শংসাপত্র প্রদানের নির্দেশাবলী

অন্যান্য অনগ্রসর শ্রেণীর দরখাস্তগুলির নিষ্পত্তি করে শংসাপত্র প্রদানের জন্য সরকার কিছুদিন যাবৎ একটি সুসংহত নির্দেশাবলী জারি করার কথা চিন্তা করেছে, যাতে এই শংসাপত্র পাওয়ার যোগ্যতার ক্ষেত্রে কী ধরনের নথিপত্র লাগবে তা নির্দিষ্ট থাকে।

এখন বিভিন্ন সময়ে জারি করা নির্দেশগুলির পরিমার্জন ও সম্প্রসারণ করে মাননীয় রাজ্যপালের সম্মতিক্রমে নিম্নলিখিত নির্দেশাবলী তৈরী করা হয়েছে যাতে অন্যান্য অনগ্রসর শ্রেণীর শংসাপত্র প্রদানের জন্য দ্রুত দরখাস্ত গ্রহণ করা এবং নিষ্পত্তি করা যায়।

১। অন্যান্য অনগ্রসর শ্রেণীর শংসাপত্র প্রদানের নিয়মাবলী সংক্রান্ত একটি নির্দেশনামা -(নং ৩৭৪ (-৭১)-টি.ডব্লু/ই.সি./এম.আর.-১০৩/৯৪ তাং- ২৭/৭/১৯৯৪) জারি করা হয়েছিল। ঐ নির্দেশনামা অনুসারে মহকুমাগুলির ক্ষেত্রে মহকুমা শাসক এবং দক্ষিণ চব্বিশ পরগণার ক্ষেত্রে অতিরিক্ত জেলা শাসক (দক্ষিণ চব্বিশ পরগণার জেলা শাসক দ্বারা নির্দিষ্ট) অন্যান্য অনগ্রসর শ্রেণীর শংসাপত্র প্রদানের উপযুক্ত কর্তৃপক্ষ। উক্ত নির্দেশের সাথে দরখাস্তের একটি বয়ান ছাপা হয়েছিল। উক্ত কর্তৃপক্ষ এবং দরখাস্তের বয়ান অপরিবর্তিত থাকবে।

২। অন্যান্য অনগ্রসর শ্রেণীর শংসাপত্রের বয়ানের ক্ষেত্রে নং ৮৯৯ (৮৫)-বি.সি.ডব্লু/এম.আর./৪২/১০ তাং:- ১২/৩/২০১০ দ্বারা যে বয়ানটি প্রচারিত হয়েছে তা অপরিবর্তিত থাকবে। শংসাপত্রের বয়ানটি এই আদেশনামার সঙ্গে সংযোজিত হয়েছে।

৩। অন্যান্য অনগ্রসর শ্রেণীর ক্ষেত্রে শংসাপত্র প্রদানের নির্দেশানুসারে বিভিন্ন ব্লকের ক্ষেত্রে ব্লক উন্নয়ন আধিকারিকরা হলেন সুপারিশকারী কর্তৃপক্ষ। কলকাতা বাদে পুরসভা এলাকাগুলিতে, মহকুমা শাসক দ্বারা নির্দিষ্ট আধিকারিক (ডেপুটি ম্যাজিস্ট্রেট পদাধিকারী) হলেন সুপারিশকারী কর্তৃপক্ষ। কলকাতার ক্ষেত্রে সুপারিশকারী কর্তৃপক্ষ হলেন জেলা উন্নয়ন আধিকারিক, কলকাতা।

৪। উপরিউক্ত নির্দেশে উল্লেখ ছিল যে, তপশিলী জাতি/তপশিলী জনজাতিদের শংসাপত্র প্রদানের জন্য যে প্রচলিত পদ্ধতি রয়েছে তারই প্রয়োজনীয় পরিবর্তন করে অন্যান্য অনগ্রসর শ্রেণীদের শংসাপত্র প্রদান করা যাবে। ঐ নির্দেশ এই আদেশনামা অনুযায়ী পরিমার্জন ও সংস্কার সাপেক্ষে সাধারণভাবে বলবৎ থাকবে।

৫। অন্যান্য অনগ্রসর শ্রেণীর ক্ষেত্রে ব্লকে বসবাসকারী আবেদনকারীরা তাঁদের নির্দিষ্ট ব্লক অফিসে দরখাস্ত জমা করতে পারেন। একটি মহকুমার অধীনে পুরসভা এলাকায় বসবাসকারী আবেদনকারীরা নির্দিষ্ট মহকুমা শাসকের অফিসে দরখাস্ত জমা করতে পারেন। কলকাতার ক্ষেত্রে জেলা উন্নয়ন আধিকারিকের (কলকাতা) দপ্তরে জমা করা যেতে পারে। জেলা উন্নয়ন আধিকারিক (কলকাতা) কলকাতা পৌরনিগমের বোরো অফিসগুলিতে দরখাস্ত জমা নেওয়ার ব্যবস্থা করতে পারেন। দরখাস্ত গ্রহণকারী অফিসগুলি আবেদনকারীদের দরখাস্ত জমা দেওয়ার ৬০ দিনের মধ্যে মাসের দ্বিতীয় এবং চতুর্থ বুধবারগুলিতে তাঁদের দাবীর স্বপক্ষে শুনানীতে নথিপত্রসহ অংশগ্রহণ করার জন্য আহ্বান জানাবেন।

৬। এক্ষেত্রে, অন্যান্য অনগ্রসর শ্রেণীদের শংসাপত্রের দরখাস্তের নিষ্পত্তিকরণের জন্য ৬টি শর্ত পূরণ করা আবশ্যিক। সেগুলি হল:

- আবেদনকারীকে অবশ্যই ভারতীয় নাগরিক হতে হবে।
- তাঁকে ১৫/৩/১৯৯৩ থেকে পশ্চিমবঙ্গের স্থায়ী বাসিন্দা হতে হবে।
- তাঁকে বর্তমান ঠিকানায় সাধারণ বাসিন্দা হতে হবে।
- তাঁকে উক্ত গোষ্ঠী বা শ্রেণীভুক্ত হতে হবে।
- তাঁর পরিচিতি।
- আবেদনকারী অবশ্যই ক্রিমি লেয়ারের অন্তর্ভুক্ত হবেন না।

৭। প্রায়শই অভিযোগ আসে যে, শংসাপত্র প্রদানকারী কর্তৃপক্ষ একটি মাত্র শর্ত প্রমাণের জন্য একাধিক নথিপত্র দাবী করেন। নথিপত্র গ্রহণের ক্ষেত্রে যে কোন বিভ্রান্তি দূর করতে এটা স্পষ্ট করে উল্লেখ করা যাচ্ছে যে উপরের ৬ নং অনুচ্ছেদে উল্লিখিত শর্তের প্রমাণের স্বপক্ষে প্রতিটি বিষয়ের জন্য নিম্নোক্ত তথ্যগুলির যে কোন একটিই প্রমাণ হিসাবে যথেষ্ট।

ক) নাগরিকত্বের জন্য :-

- ১) নাগরিকত্বের শংসাপত্র।
- ২) আবেদনকারীর নিজের বা তাঁর পিতামাতার নির্বাচনী পরিচয় পত্র।
- ৩) আবেদনকারীর নিজের বা তাঁর পিতামাতার প্রত্যয়িত ভোটার তালিকা।
- ৪) নিজের অথবা পিতামাতার প্যান কার্ড।
- ৫) উপযুক্ত কর্তৃপক্ষের নিকট থেকে জন্মের শংসাপত্র।
- ৬) পিতা বা মাতার জাতিগত শংসাপত্র।
- ৭) নাগরিকত্ব প্রমাণের জন্য যে কোন সরকারী নথি।

নোট- এই সকল নথিপত্রের সত্যতার বিষয়ে তখনই প্রশ্ন করা চলবে, যখন দৃঢ় কারণযুক্ত ধারণা থাকবে যে, এই সকল নথিপত্র ভুল তথ্য দিয়ে সংগৃহীত করা হয়েছে।

খ) স্থায়ী বাসস্থানের জন্য :-

- ১) জমি সংক্রান্ত দলিল অথবা জমির খাজনার রসিদ।
- ২) ভোটার তালিকা যার ভিত্তিতে প্রমাণ হয় যে ১৯৯৩ থেকে পশ্চিমবঙ্গের স্থায়ী বাসিন্দা।
- ৩) জন্মের শংসাপত্র যার ভিত্তিতে প্রমাণ হয় যে ১৯৯৩ থেকে পশ্চিমবঙ্গের স্থায়ী বাসিন্দা।
- ৪) রেশন কার্ড যার ভিত্তিতে প্রমাণ হয় যে, ১৯৯৩ থেকে পশ্চিমবঙ্গের স্থায়ী বাসিন্দা।
- ৫) পিতা অথবা মাতার জাতিগত শংসাপত্র।
- ৬) ১৯৯৩ সাল থেকে বসবাসের প্রমাণের জন্য যে কোন সরকারী নথিপত্র।

গ) স্থানীয় বাসস্থানের জন্য :-

- ১) জমির দলিল অথবা জমির খাজনার রসিদ।
- ২) আবেদনকারীর নিজের বা তাঁর পিতামাতার নির্বাচনী পরিচয় পত্র।
- ৩) উপযুক্ত কর্তৃপক্ষ থেকে শংসাপত্র।
- ৪) পিতা বা মাতার জাতিগত শংসাপত্র।
- ৫) জন্ম শংসাপত্র।
- ৬) রেশন কার্ড।
- ৭) ভাড়ার রসিদ।
- ৮) জাতীয় ব্যাঙ্ক, গ্রামীণ ব্যাঙ্ক, ডাকঘরের বা সমবায় ব্যাঙ্কের পাশ বই।
- ৯) দারিদ্র্য সীমার নীচে বসবাসকারী ব্যক্তিদের কার্ড।
- ১০) যে কোন সরকারী নথি যার দ্বারা স্থানীয় বাসস্থানের প্রমাণ হয়।

ঘ) শ্রেণী পরিচিতি :-

- ১) পিতৃকুলের রক্তের সম্পর্কিত কারও জাতিগত শংসাপত্র এবং সেই সম্পর্কের প্রমাণ।
- ২) জমির পুরনো দলিলের প্রতিলিপি (১৯৫০ সালের পূর্বে) যাতে শ্রেণীর নাম উল্লিখিত আছে।
- ৩) যে কোন সরকারী নথি যাতে শ্রেণীর পরিচিতি প্রমাণিত হয়।

ঙ) পরিচিতির জন্য :-

- ১) পরীক্ষার প্রবেশ পত্র।
- ২) ভোটারের পরিচয়পত্র।
- ৩) প্যান কার্ড।
- ৪) উপযুক্ত কর্তৃপক্ষ থেকে জন্মের শংসাপত্র।
- ৫) শিক্ষাগত প্রতিষ্ঠান বা নিয়োগকারীর দেওয়া পরিচয় পত্র।
- ৬) ব্যাঙ্ক একাউন্টের পাশবই।
- ৭) দারিদ্র্যসীমার নীচে বসবাসকারীর ব্যক্তির কার্ড।
- ৮) যে কোন সরকারী নথি যা দ্বারা পরিচিতি প্রমাণিত হয়।

চ) ক্রিমি লেয়ার :-

- ১) নিয়োগকারীর কাছ থেকে পিতা ও মাতার আয় সংক্রান্ত শংসাপত্র (আবেদন পূরণ করা থেকে যা তিন মাসের অধিক পুরানো হবে না)।
- ২) পিতা ও মাতার বিগত তিন বছরের আয়কর রিটার্ন।
- ৩) যদি চাকুরীজীবী না হন, সেক্ষেত্রে উপযুক্ত কর্তৃপক্ষ দ্বারা আয় সংক্রান্ত শংসাপত্র (আবেদন পূরণ করা থেকে যা তিন মাসের অধিক পুরানো হবে না)।
- ৪) যে কোন সরকারী নথি যা থেকে পিতা ও মাতার আয় প্রমাণিত হয়।

৮। উপরে উল্লিখিত তালিকাতে গ্রাম প্রধান, পৌরসভার সভাপতি, পৌরসভার পুরপিতা, বিধায়ক এবং সাংসদদের দেওয়া শংসাপত্র অন্তর্ভুক্ত হয়নি। ৭ক) থেকে চ) -এ উল্লিখিত শংসাপত্রগুলির কোনোটি না পাওয়া গেলে গ্রাম প্রধান / পৌরসভার সভাপতি / পৌরসভার পুরপিতা / বিধায়ক বা সাংসদদের দেওয়া শংসাপত্রের যে কোন একটি এবং সেইসঙ্গে অনুসন্ধানের প্রতিবেদন এবং শুনানীর বিবরণ বিচার করে আবেদনকারীর যোগ্যতা নির্ধারণ করতে হবে।

৯। এটা উল্লেখ্য যে একজন আবেদনকারী তাঁর দাবীর স্বপক্ষে কোন রকম নথিপত্র সমন্বিত প্রমাণ ছাড়াও আবেদন করতে পারেন, এবং সে ক্ষেত্রে শুধুমাত্র জাতিগত শংসাপত্র, বাসস্থান বা নাগরিকত্বের নথিপত্র প্রমাণের অভাবে কোন আবেদন প্রত্যাখান করা যাবে না। এই সকল ক্ষেত্রে স্থানীয় গ্রামপঞ্চায়েত প্রধানের শংসাপত্র বা স্থানীয় পুরপিতার শংসাপত্র এবং সেই সঙ্গে অনুসন্ধানের প্রতিবেদন আবেদনপত্রের নিষ্পত্তির পক্ষে যথাযথ বলে বিবেচিত হবে।

১০। প্রচলিত নির্দেশ অনুযায়ী, অন্যান্য অনগ্রসর শ্রেণীর শংসাপত্রের আবেদন করতে গেলে আবেদনকারীর বয়স সীমা ৪ থেকে ৪০ বছরের মধ্যে হতে হবে। কিন্তু যেহেতু অন্যান্য অনগ্রসর শ্রেণীভুক্ত আবেদনকারীগণের বয়স ৪০ অতিক্রম করে গেলেও চাকুরীর সুযোগ পেতে পারেন সেই জন্য শংসাপত্রের আবেদন করতে গেলে যে বয়স সীমার বিধি নিষেধ আরোপিত আছে তা এর দ্বারা প্রত্যাহার করা হলা। অতএব অন্যান্য অনগ্রসর শ্রেণীর শংসাপত্র মঞ্জুর করার জন্য কোন বয়সের প্রমাণপত্র লাগবে না।

১১। এটা অনস্বীকার্য যে, অন্যান্য অনগ্রসর শ্রেণীর শংসাপত্রের জন্য বেশীর ভাগ আবেদনকারী তাদের গোষ্ঠী পরিচিতির প্রমাণ হিসাবে তাঁদের পৈতৃক রক্ত সম্পর্কিত শংসাপত্র জমা দিতে পারেন না। এর আরও একটা কারণ হল বেশ কিছু গোষ্ঠী অন্যান্য অনগ্রসর শ্রেণীর তালিকায় সম্প্রতি অন্তর্ভুক্ত হয়েছে। সেই সকল ক্ষেত্রে তাঁদের গোষ্ঠী পরিচিতি ক্ষেত্র-অনুসন্ধান এবং গনশুনানীর মাধ্যমে নির্ধারণ করতে হবে। এই সকল ক্ষেত্রে পরিচিতি করণ সহজ করার জন্য এই নির্দেশ নামার সঙ্গে সংযোজিত বয়ানে আবেদনকারীর থেকে একটি হলফনামা চাওয়া যেতে পারে যেখানে আবেদনকারিকে ঘোষণা করতে হবে যে, শংসাপত্র পাওয়ার যোগ্যতা তাঁর আছে। ক্ষেত্র-অনুসন্ধান এবং শুনানীতে যদি কোন বিরূপ প্রমাণ পাওয়া না যায়, তবে আবেদনকারীর শ্রেণীগত পরিচয় এবং শংসাপত্র লাভের যোগ্যতা নিরূপনের জন্য হলফনামাটি গ্রহন যোগ্য বলে বিবেচিত হবে।

১২। প্রায়শই অভিযোগ আসে যে, একজন আবেদনকারী জাতিগত প্রমাণের জন্য আবেদনকারীকে স্থানীয় ৫, এমনকি ১০ জন ব্যক্তির বিবৃতি উপস্থাপিত করতে বলা হয়ে থাকে। অনেক সময় সেই ধরনের বিবৃতি শিক্ষক বা সরকারী কর্মীদের কাছ থেকেও গ্রহন করে দাখিল করতে বলা হয়। এতে আবেদনকারীর অযথা হয়রানি হয়। এই প্রসঙ্গে এটা পরিষ্কার করে বলে দেওয়া হচ্ছে যে, শংসাপত্রের আবেদনের নিষ্পত্তির জন্য এ ধরনের বিবৃতির কোন প্রয়োজন নেই। যেখানে শংসাপত্র পাওয়ার জন্য উপযুক্ত নথিপত্র নেই, সেক্ষেত্রে ক্ষেত্র-অনুসন্ধান বা গণশুনানী গ্রহণ করতে হবে। এই সকল অনুসন্ধান বা শুনানীতে স্থানীয় ব্যক্তিদের দেওয়া সাক্ষ্য নথিভুক্ত করতে হবে। স্থানীয় ব্যক্তিদের থেকেও এজাহার নেওয়া যেতে পারে। শংসাপত্র পাওয়ার জন্য আবেদন কোন নথিপত্র ছাড়া বা অপর্থাপ্ত নথিপত্র সহ হলে ক্ষেত্র-অনুসন্ধান / শুনানী এবং স্থানীয় পঞ্চায়েত/ পুরসভা থেকে পাওয়া শংসাপত্র এবং হলফনামার ভিত্তিতে নিষ্পত্তি করতে হবে।

১৩। শংসাপত্র প্রদানের সকল দরখাস্ত সময়মতো নিষ্পত্তিকরণের জন্য নিয়মিত ব্যবধানে বিশেষ শিবিরের আয়োজন করতে হবে। এই সকল শিবিরে দরখাস্ত গ্রহণ, গণশুনানী এবং শংসাপত্র বিতরণ করতে হবে। এই শিবিরগুলি এমন ভাবে সংগঠিত করতে হবে যে, দরখাস্তগুলির জমা পড়ার তারিখ থেকে আট সপ্তাহের মধ্যে নিষ্পত্তিকরণ করা যায়। যেহেতু বেশীর ভাগ আবেদনকারী বিদ্যালয় এবং কলেজের ছাত্র-ছাত্রী, তাই এই সকল শিবিরগুলি উচ্চ বিদ্যালয়ে এবং উচ্চ মাধ্যমিক বিদ্যালয়ে আয়োজন করতে হবে।

১৪। ক্রিমি লেয়ার নির্ধারণের ক্ষেত্রে নিম্নলিখিত বিষয়গুলি বিবেচনা করতে হবে :-

ক) প্রথমত; পিতা ও মাতার (আবেদনকারীর নয়) অবস্থান সুনিশ্চিত ভাবে নির্ণয় করতে হবে। যদি আবেদনকারীর পিতা বা মাতার যে কোন একজন চল্লিশ বৎসর পূর্ণ হওয়ার পূর্বে কোন সাংবিধানিক পদে থাকেন বা কেন্দ্রীয় বা রাজ্য সরকারে প্রথম শ্রেণী অথবা 'ক' শ্রেণীভুক্ত পদাধিকারী হন, তাহলে তাঁকে ক্রিমি লেয়ার হিসাবে বিবেচনা করা হবে। যদি পিতামাতার উভয়ই চল্লিশ বছরের পূর্বে কেন্দ্রীয় বা রাজ্য সরকারের দ্বিতীয় শ্রেণী বা 'খ' গোষ্ঠীভুক্ত চাকুরীতে বহাল থাকেন তবে তাঁকেও ক্রিমি লেয়ার হিসাবে বিবেচনা করা হবে।

উক্ত সকল ক্ষেত্রে পিতা মাতা অবসর নিলে বা অবসরের পর মারা গেলেও অবস্থান অপরিবর্তিত থাকবে। যদি চাকুরীরত অবস্থায় পিতা বা মাতা গত হন বা তারা সম্পূর্ণ ভাবে অক্ষম হয়ে যান সেই ক্ষেত্রে আবেদনকারী ক্রিমি লেয়ার হিসাবে বিবেচিত হবেন না।

খ) সরকারী চাকুরীরত ব্যক্তিগণের পুত্র বা কন্যাদের ক্ষেত্রে ক্রিমিলেয়ার নির্ধারণের জন্য যে মাপকাঠি দেওয়া হয়েছে তা সমানভাবে রাষ্ট্রায়ত্ত্ব সংস্থা, ব্যাঙ্ক, বিমা সংস্থা, বিশ্ববিদ্যালয়, শিক্ষাগত প্রতিষ্ঠানে তুল্যমূল্য পদে নিযুক্ত ব্যক্তিগণের পুত্র বা কন্যার ক্ষেত্রেও প্রযোজ্য হবে। এমনকি বেসরকারী পদে নিযুক্ত ব্যক্তির পদমর্যাদা যদি সরকারী পদের সঙ্গে সঠিকভাবে তুলনা করা যায়, তবে একই নীতি ঐ বেসরকারী পদে নিযুক্ত ব্যক্তিগণের পুত্র বা কন্যার ক্ষেত্রেও প্রযোজ্য হবে। যেখানে এই ধরনের তুলনা সম্ভবপর নয় সেখানে আয়ের প্রমাণ এবং সম্পত্তির প্রমাণ বিবেচিত হবে।

গ) যখন আবেদনকারীর পিতা মাতার চাকুরী বা পদের উপর ভিত্তি করে ক্রিমি লেয়ারের মর্যাদা নিরূপন করা হয় তখন তাঁদের আয়ের পরিমানের উপর ক্রিমি লেয়ার নির্ধারিত হবে না। অতএব সরকারী দপ্তর, রাষ্ট্রায়ত্ত্ব সংস্থা, ব্যাঙ্ক, বিমা সংস্থা, শিক্ষাগত প্রতিষ্ঠানের কর্মচারীদের সন্তানরা যারা পদমর্যাদার ভিত্তিতে ক্রিমি লেয়ার শ্রেণীতে অন্তর্ভুক্ত হবেন না, তাঁদের পিতামাতার যদি শুধুমাত্র অন্যান্য উৎস থেকে আয় ৪.৫০ লক্ষ টাকার বেশী হয় (বেতন বা কৃষি জমি থেকে আয় যুক্ত না করে), তবেই তাঁরা ক্রিমি লেয়ারের অন্তর্ভুক্ত হবেন।

ঘ) আয় বা সম্পত্তির প্রমাণ হিসেবে পিতা মাতার বেতন এবং অন্যান্য সূত্র (বেতন এবং কৃষিজমি ছাড়া) থেকে আয় আলাদা ভাবে নিরূপন করা হয়। যদি পিতা মাতার বেতন থেকে আয় বা অন্য সূত্র (বেতন এবং কৃষিজমি ছাড়া) থেকে আয়ের সীমা আলাদা ভাবে বার্ষিক ৪.৫০ লক্ষ টাকা অতিক্রম করে অথবা সম্পত্তিকর বিধি মোতাবেক পিতা-মাতা বিগত তিন বৎসর ধরে ছাড়ের উদ্দেশ্যে সম্পত্তির ভোগ দখল করেন তাহলে তাদের সন্তানেরা ক্রিমি লেয়ার হিসাবে বিবেচিত হবেন। অতএব যদি পিতা মাতার বেতন থেকে বাৎসরিক আয় ৪.৫০ লক্ষ টাকার কম হয় এবং তাঁদের অন্যান্য সূত্র থেকে বাৎসরিক আয় ৪.৫০ লাখ টাকার কম হয়, তাহলে এই দুই সূত্র থেকে তাঁদের আয়ের যোগফল বিগত তিন বৎসর ধরে বাৎসরিক ৪.৫০ লক্ষ টাকার উর্দে হলেও তাঁদের সন্তানেরা ক্রিমি লেয়ারের অন্তর্ভুক্ত হবেন না। এই প্রসঙ্গে উল্লেখ করা প্রয়োজন যে যখন উক্ত প্রমাণ প্রয়োগ করা হয় তখন কৃষিজমি থেকে আয় গণ্য করা হয় না। এই প্রমাণ যাদের বেতন থেকে আয় নেই বা থাকলেও তাঁদের চাকুরীগত মর্যাদা কেন্দ্রীয় বা রাজ্য সরকারের চাকুরীর সাথে তুলনা করা সম্ভব নয় কেবলমাত্র তাঁদের ক্ষেত্রে প্রযোজ্য হবে।

১৫। সাধারণভাবে অন্যান্য অনগ্রসর শ্রেণীর শংসাপত্রের আবেদন জমা করার তারিখ থেকে আট সপ্তাহের মধ্যে নিষ্পত্তি করতে হবে। একবার জমা দেওয়ার পরে একজন আবেদনকারীর তাঁর আবেদনপত্রটি কী অবস্থায় আছে তা জানার অধিকার আছে। যদি আবেদনকারী দাবী করেন, তাহলে তাঁকে তাঁর আবেদনের সর্বশেষ পরিস্থিতি জানাতে হবে।

১৬। অন্যান্য অনগ্রসর শ্রেণীর শংসাপত্রের জন্য নতুন আবেদন পত্রের বয়ান (প্রচলিত বয়ানের সামান্য সংশোধন করে) তৈরী করা হয়েছে, এবং সংশ্লিষ্ট সকলকে জ্ঞাত করা হয়েছে। শংসাপত্রের জন্য উভয় বয়ানই (পুরানো বা নতুন) পূরণ করে ব্যবহার করা যেতে পারে। বয়ানটি অনগ্রসর শ্রেণী কল্যাণ বিভাগের ওয়েবসাইটে (Website: [www.anagrasarkalyan.gov.in](http://www.anagrasarkalyan.gov.in)) পাওয়া যাবে। এই ব্যাপারে সর্বশেষ পরিস্থিতি সম্বন্ধে ওয়েবসাইটটি নিয়মিত দেখলে জানা যাবে। শংসাপত্রের ব্যাপারে সমস্ত গুরুত্বপূর্ণ নীতিগত সিদ্ধান্ত এবং অন্যান্য অনগ্রসর সম্প্রদায়ের সর্বশেষ তালিকা এই ওয়েবসাইটে পাওয়া যাবে।

স্বাক্ষর  
প্রধান সচিব  
পশ্চিমবঙ্গ সরকার

# ১৪৬৫-বি.সি.ডব্লু, তাং:- ৩০/০৪/২০১০-এ সুচিত নির্দেশাবলীর মূল অংশের বঙ্গানুবাদ

পশ্চিমবঙ্গ সরকার  
অনগ্রসর সম্প্রদায় কল্যাণ বিভাগ  
মহাকরণ, কলকাতা-৭০০০০১

নং:- ১৪৬৫-বি.সি.ডব্লু / এম.আর-৬৭/১০

তাং:- ৩০/৪/২০১০

## স্মারকলিপি

### তপশিলী জাতি এবং তপশিলী জনজাতির শংসাপত্র প্রদানের নির্দেশাবলী

তপশিলী জাতি এবং তপশিলী জনজাতিদের দরখাস্তগুলির নিষ্পত্তি করে শংসাপত্র প্রদানের জন্য সরকার কিছুদিন যাবত একটি সুদৃঢ় নির্দেশাবলী জারি করার কথা চিন্তা করেছে, যাতে এই শংসাপত্র পাওয়ার যোগ্যতার নিরূপন সংক্রান্ত কী ধরনের নথিপত্র লাগবে তা নির্দিষ্ট করা হয়েছে।

বর্তমানে পশ্চিমবঙ্গ তপশিলী জাতি এবং তপশিলী জনজাতি (সনাক্তকরণ) বিধি ১৯৯৪ এবং পশ্চিমবঙ্গ তপশিলী জাতি এবং তপশিলী জনজাতি (সনাক্তকরণ) নিয়মাবলী, ১৯৯৫ এর নিয়মানুযায়ী তপশিলী জাতি এবং তপশিলী জনজাতিদের শংসাপত্র প্রদান করা হয়ে থাকে। তপশিলী জাতি এবং তপশিলী জনজাতিদের শংসাপত্রের জন্য দরখাস্তের নিষ্পত্তিকরণের পদ্ধতি পশ্চিমবঙ্গ তপশিলী জাতি ও জনজাতি (সনাক্তকরণ) নিয়মাবলী, ১৯৯৫ এর অন্তর্গত ৭-এর 'এ','বি','সি','ডি' ও 'ই' ধারায় উল্লেখ আছে।

এখন তপশিলী জাতি এবং তপশিলী জনজাতিদের শংসাপত্র প্রদানের জন্য পশ্চিমবঙ্গ তপশিলী জাতি এবং তপশিলী জনজাতি (সনাক্তকরণ) বিধি, ১৯৯৪ এবং পশ্চিমবঙ্গ তপশিলী জাতি এবং তপশিলী জনজাতি (সনাক্তকরণ) নিয়মাবলী, ১৯৯৫ এর ব্যাখ্যা ও সম্প্রসারণ করে মাননীয় রাজ্যপালের সম্মতিক্রমে নিম্নলিখিত নির্দেশাবলী তৈরী করা হয়েছে যাতে তপশিলী জাতি এবং তপশিলী জনজাতিদের শংসাপত্র প্রদানের জন্য দ্রুত দরখাস্ত গ্রহণ করা এবং নিষ্পত্তি করা যায়।

১। এই আইনের ৫নং ধারা অনুসারে মহকুমাগুলির ক্ষেত্রে মহকুমা শাসক এবং কলকাতার ক্ষেত্রে অতিরিক্ত জেলা শাসক (দক্ষিণ চব্বিশ পরগণার জেলা শাসক দ্বারা নির্দিষ্ট) তপশিলী জাতি এবং তপশিলী জনজাতি শংসাপত্র প্রদানের উপযুক্ত কর্তৃপক্ষ। এই নিয়মাবলীতে দরখাস্তের একটি বয়ান (ফর্ম-১) দেওয়া হয়েছে। এছাড়া প্রধানত অনলাইনে তপশিলী জাতি জনজাতিদের শংসাপত্র প্রদানের দরখাস্ত পূরণের জন্য (ফর্ম-১-এ) একটি বয়ানও চালু করা হয়েছে। একটি শংসাপত্রের দরখাস্তের জন্য উপরি উল্লিখিত উভয় বয়ানই ব্যবহার যোগ্য।

২। (মূল নির্দেশাবলীতে ভুলক্রমে প্রথম অনুচ্ছেদের পুনরুক্তি হওয়ায় বতিল যোগ্য)

৩। তপশিলী জাতি এবং তপশিলী জনজাতিদের শংসাপত্রের বয়ানের ক্ষেত্রে নং ৮২৩-বি.সি.ডব্লু, তাং-৮/৩/২০১০ দ্বারা নিয়মাবলী সংশোধনের মাধ্যমে যে বয়ানটি তৈরি হয়েছে সেটি ব্যবহৃত হবে। শংসাপত্রের বয়ানটি এই আদেশনামার সঙ্গে সংযোজিত হল।

৪। শংসাপত্রের জন্য দরখাস্ত অন-লাইনের মাধ্যমে 'www.castecertificatewb.gov.in' এই ওয়েবসাইটের সাহায্যে করা যাবে। যদি দরখাস্ত অনলাইনে করা হয় তাহলে আবেদনকারী তাঁর পূরণ করা দরখাস্তটির কপি এবং রসিদ নম্বর সহ একটি স্বীকৃতি পত্র ডাউনলোড করতে পারেন, যার তথ্য ব্যবহার করে যে কোন সময় তিনি তাঁর দরখাস্ত সংক্রান্ত তথ্য জানতে পারবেন। অনলাইনে দরখাস্ত পূরণ করার থেকে ৬০ দিনের মধ্যে মাসের দ্বিতীয় এবং চতুর্থ বুধবারে আবেদনকারী পূরণ করা দরখাস্তটি যথার্থ ভাবে স্বাক্ষর করে নিজ দাবীর স্বাক্ষ্রে প্রয়োজনীয় কাগজপত্র সমেত জমা করবেন। ঐ একই দিনে তার দরখাস্তের উপর ভিত্তি করে শুনানী হবে এবং আবেদনকারীর আনা আসল নথিপত্রের সাথে তাঁর দরখাস্তের প্রতিলিপি মিলিয়ে দেখা হবে। তারপর দরকার মনে করলে দরখাস্তের চূড়ান্ত নিষ্পত্তির জন্য ক্ষেত্র-অনুসন্ধান হবে।

৫। যখন অন-লাইনের বদলে আবেদনকারী কাগজে লিখে দরখাস্ত পাঠাবেন, তখন গ্রহনকারী কার্যালয় সকল আবেদনপত্র একই ওয়েবসাইটে সংরক্ষিত করবেন এবং সেগুলোর নিষ্পত্তিকরণের জন্য একই প্রক্রিয়া গ্রহণ করবেন। গ্রহনকারী কার্যালয় থেকে দেওয়া লিখিত রসিদে একই নির্দেশ দেওয়া হবে, যাতে আবেদনকারী দরখাস্ত করার থেকে ৬০ দিনের মধ্যে দ্বিতীয় এবং চতুর্থ বুধবার গুলিতে শুনানীর জন্য আসতে পারেন এবং দাবীর সমর্থনে নিজে এসে সকল আসল নথিপত্র জমা করতে পারেন।

৬। এই পদ্ধতি অন-লাইন ব্যবস্থা শুরু হলে চালু হবে। এর আগে পর্যন্ত দরখাস্ত জমা নেওয়া এবং তার নিষ্পত্তি করণে বর্তমান পদ্ধতি চালু থাকবে।

৭। শংসাপত্র প্রদানের নির্দেশানুসারে বিভিন্ন ব্লকের ক্ষেত্রে সমষ্টি উন্নয়ন আধিকারিকরা হলেন সুপারিশকারী কর্তৃপক্ষ। কলকাতা বাদে পুরসভা এলাকাগুলিতে মহকুমা শাসক দ্বারা নির্দিষ্ট আধিকারিক (তিনি উপ সমাহর্তার নীচে পদাধিকারী নন) হলেন সুপারিশকারী কর্তৃপক্ষ। কলকাতার ক্ষেত্রে সুপারিশকারী কর্তৃপক্ষ হলেন জেলা উন্নয়ন আধিকারিক, কলকাতা।

৮। ব্লকে বসবাসকারী আবেদনকারীরা তাঁদের নির্দিষ্ট ব্লক অফিসে দরখাস্ত জমা করতে পারেন, একটি মহকুমার অধীনে পুরসভা এলাকার বসবাসকারী আবেদনকারীরা নির্দিষ্ট মহকুমা শাসকের অফিসে দরখাস্ত জমা করতে পারেন। কলকাতার ক্ষেত্রে জেলা উন্নয়ন আধিকারিক-এর (কলকাতা) দপ্তরে দরখাস্ত জমা করা যেতে পারে। জেলা উন্নয়ন আধিকারিক (কলকাতা) কলকাতা পৌরনিগমের বোরো অফিসগুলিতে দরখাস্ত জমা নেওয়ার ব্যবস্থা করতে পারেন। দরখাস্ত গ্রহণকারী অফিসগুলি আবেদনকারীদের দরখাস্ত জমা দেওয়ার ৬০ দিনের মধ্যে মাসের দ্বিতীয় এবং চতুর্থ বুধবারগুলিতে শুনানীতে তাঁদের দাবীর স্বপক্ষে নথিপত্রসহ অংশগ্রহণের জন্য আহ্বান জানাবেন।

৯। তপশিলী জাতি এবং তপশিলী উপজাতিদের শংসাপত্রের দরখাস্তের নিষ্পত্তিকরণের জন্য পাঁচটি শর্ত পূরণ করতে হবে। সেগুলি হল :

- ক) আবেদনকারীকে অবশ্যই ভারতীয় নাগরিক হতে হবে।
- খ) তাঁকে ১৯৫০ সাল থেকে পশ্চিমবঙ্গে স্থায়ী বাসিন্দা হতে হবে।
- গ) তাঁকে বর্তমান ঠিকানায় সাধারণ বাসিন্দা হতে হবে।
- ঘ) তাঁকে তপশিলী জাতি কিংবা জনজাতি শ্রেণীভুক্ত হতে হবে।
- ঙ) তাঁর পরিচিতি।

১০। ভারত সরকারের সারা দেশে বলবৎযোগ্য আদেশানুসারে, একজন তপশিলী জাতি বা জনজাতিভুক্ত ব্যক্তি অন্য রাজ্য থেকে স্থানান্তরিত হলে, সেই ব্যক্তি যে রাজ্য থেকে স্থানান্তরিত হলেন সেই রাজ্যে তপশিলী জাতি বা জনজাতি সম্প্রদায়ভুক্ত হওয়ার জন্য দাবী করতে পারেন, কিন্তু যে রাজ্যে স্থানান্তরিত হয়েছেন, সেখানে সেই দাবী করতে পারেন না। ১৯৫০ সালের পরে যে ব্যক্তি ভিন্ন রাজ্য থেকে পশ্চিমবঙ্গে স্থানান্তরিত হয়ে এসেছেন, সেই ব্যক্তি যে জাতি বা জনজাতি শ্রেণীর অন্তর্ভুক্ত তা পশ্চিমবঙ্গে তপশিলী জাতি বা জনজাতি হিসাবে স্বীকৃত হলেও রাজ্য সরকারের প্রদত্ত সুবিধা ভোগ করতে পারবেন না।

১১। কোন পুরুষ / স্ত্রীলোক জন্মসূত্রে তপশিলী জাতি কিংবা জনজাতিভুক্ত নন কিন্তু যদি তিনি তপশিলী জাতি কিংবা জনজাতিভুক্ত স্ত্রীলোক / পুরুষকে বিবাহ করেন, তবে তাঁকে তপশিলী জাতি / জনজাতি হিসাবে গণ্য করা হবে না। অনুরূপভাবে, যদি তপশিলী জাতি / জনজাতি সম্প্রদায়ভুক্ত এমন কোন ব্যক্তি তপশিলী জাতি বা জনজাতিভুক্ত নন এমন কাউকে বিবাহ করেন তবে তিনি পূর্বের মতই তপশিলী জাতি / জনজাতি হিসাবেই গণ্য থাকবেন।

১২। তপশিলী জাতি হিসাবে দাবীদার ব্যক্তিকে হিন্দু, শিখ বা বৌদ্ধ ধর্মাবলম্বী হতে হবে। তপশিলী জনজাতি হিসাবে দাবীদার ব্যক্তি যে কোন ধর্মাবলম্বী হতে পারেন।

১৩। প্রায়শই অভিযোগ আসে যে, শংসাপত্র প্রদানকারী কর্তৃপক্ষ একটি মাত্র শর্ত প্রমানের জন্য একাধিক নথিপত্র দাবী করে থাকেন। নথিপত্র গ্রহণের ক্ষেত্রে যে কোন বিভ্রান্তি দূর করতে এটা স্পষ্ট করে উল্লেখ করা যাচ্ছে যে উপরের ৯ নং অনুচ্ছেদে উল্লিখিত শর্তের প্রমানের স্বপক্ষে প্রতিটি বিষয়ের জন্য নিম্নোক্ত তথ্যগুলির যে কোন একটিই প্রমান হিসাবে যথেষ্ট।

ক) নাগরিকত্বের জন্য :-

- ১) নাগরিকত্বের শংসাপত্র।
- ২) আবেদনকারীর নিজের বা তাঁর পিতামাতার নির্বাচনী পরিচয় পত্র।
- ৩) আবেদনকারীর নিজের বা তাঁর পিতামাতার প্রত্যয়িত ভোটার তালিকা।
- ৪) নিজের অথবা পিতামাতার প্যান কার্ড।
- ৫) উপযুক্ত কর্তৃপক্ষের নিকট থেকে জন্মের শংসাপত্র।
- ৬) পিতা বা মাতার জাতি শংসাপত্র।
- ৭) নাগরিকত্ব প্রমানের জন্য যে কোন সরকারী নথি।

নোট- এই সকল নথিপত্রের সত্যতার বিষয়ে তখনই প্রশ্ন উঠবে যখন দৃঢ় কারণযুক্ত ধারণা থাকবে, যে এই সকল নথিপত্র ভুল তথ্য দিয়ে সংগ্রহ করা হয়েছে।

খ) স্থায়ী বাসস্থানের জন্য :-

- ১) জমি সংক্রান্ত দলিল অথবা জমির খাজনার রসিদ।
- ২) ভোটার তালিকা যার ভিত্তিতে প্রমান হয় যে ১৯৫০ সাল থেকে পশ্চিমবঙ্গের স্থায়ী বাসিন্দা।
- ৩) জন্মের শংসাপত্র যার ভিত্তিতে প্রমান হয় যে ১৯৫০ সাল থেকে স্থায়ী বাসিন্দা।
- ৪) রেশন কার্ডে যার ভিত্তিতে প্রমান হয় যে ১৯৫০ সাল থেকে পশ্চিমবঙ্গের স্থায়ী বাসিন্দা।
- ৫) পিতা অথবা মাতার জাতিগত শংসাপত্র।
- ৬) ১৯৫০ সাল থেকে বসবাসের প্রমানের জন্য যে কোন সরকারী নথিপত্র।

গ) স্থানীয় বাসস্থানের জন্য :-

- ১) জমির দলিল অথবা জমির খাজনার রসিদ।
- ২) আবেদনকারীর নিজের বা তার পিতামাতার নির্বাচনের পরিচয়পত্র।
- ৩) উপযুক্ত কর্তৃপক্ষ থেকে শংসাপত্র।
- ৪) পিতা বা মাতার জাতিগত শংসাপত্র।
- ৫) জন্ম শংসাপত্র।
- ৬) রেশন কার্ড।
- ৭) ভাড়ার-রসিদ।
- ৮) জাতীয় ব্যাঙ্ক, গ্রামীণ ব্যাঙ্ক, ডাকঘরের বা সমবায় ব্যাঙ্কের পাশ বই।
- ৯) দারিদ্র্য সীমা নীচে বসবাসকারী ব্যক্তিদের কার্ড।
- ১০) যে কোন সরকারী নথি যার দ্বারা স্থানীয় বাসস্থানের প্রমাণ হয়।

ঘ) জাতিগত পরিচিতি :-

- ১। পিতৃকুলের রক্তের সম্পর্কিত কারও জাতিগত শংসাপত্র এবং সেই সম্পর্কের প্রমাণ।
- ২। জমির পুরনো দলিলের প্রতিলিপি (১৯৫০ সালের পূর্বে) যাতে গোষ্ঠীর নাম উল্লিখিত থাকবে।
- ৩। যে কোন সরকারী নথি যাতে জাতিগত পরিচিতি প্রমাণিত হয়।

ঙ) পরিচিতির জন্য :-

- ১) পরীক্ষার প্রবেশ পত্র।
- ২) ভোটারের পরিচয় পত্র।
- ৩) প্যান কার্ড।
- ৪) উপযুক্ত কর্তৃপক্ষ থেকে জন্মের শংসাপত্র।
- ৫) শিক্ষাগত প্রতিষ্ঠান বা নিয়োগকারীর দেওয়া পরিচয় পত্র।
- ৬) ব্যাঙ্ক একাউন্টের পাশ বই।
- ৭) দারিদ্র্য সীমার নীচে বসবাসকারী ব্যক্তির কার্ড।
- ৮) যে কোন সরকারী নথি যা দ্বারা পরিচিতি প্রমাণ হয়।

১৪। উপরে উল্লিখিত তালিকাতে, গ্রাম প্রধান, পৌরসভার সভাপতি, পৌরসভার পুরপিতা, বিধায়ক এবং সাংসদের দেওয়া শংসাপত্র অন্তর্ভুক্ত হয়নি। ১৩ (ক) থেকে (ঙ) তে উল্লিখিত শংসাপত্রগুলি কোনটি না পাওয়া গেলে গ্রাম প্রধান / পৌরসভার সভাপতি / পৌরসভার পুরপিতা / বিধায়ক বা সাংসদের দেওয়া শংসাপত্রের যে কোন একটি এবং সেই সঙ্গে অনুসন্ধানের প্রতিবেদন এবং শুনানীর বিবরণ বিচার করে আবেদনকারীর যোগ্যতা নির্ধারণ করতে হবে।

১৫। এটা উল্লেখ্য যে, একজন আবেদনকারী তার দাবীর স্বপক্ষে কোন রকম নথিপত্র সমন্বিত প্রমাণ ছাড়াও আবেদন করতে পারেন এবং সেক্ষেত্রে শুধুমাত্র জাতিগত শংসাপত্র, বাসস্থান বা নাগরিকত্বের নথিপত্রের প্রমাণের অভাবে কোন আবেদন প্রত্যাখান করা যাবে না। এই সকল ক্ষেত্রে স্থানীয় গ্রাম পঞ্চায়েত প্রধানের শংসাপত্র, স্থানীয় পৌরসভার সভাপতি বা পৌরসভার স্থানীয় পুরপিতার শংসাপত্র এবং সেই সঙ্গে স্থানীয় অনুসন্ধানের প্রতিবেদন যথাযথ বলে বিবেচিত হবে।

১৬। শংসাপত্রের আবেদনের জন্য বয়সের কোন বিধি নিষেধ নেই। সুতরাং বয়সের জন্য কোন প্রমাণপত্রের প্রয়োজন নেই।

১৭। যেহেতু তপশিলী জাতি এবং তপশিলী জনজাতি অন্তর্ভুক্ত ব্যক্তিবর্গকে দীর্ঘ দিন ধরে শংসাপত্র প্রদান করা হচ্ছে, তাই অধিকাংশ ক্ষেত্রেই তাঁদের পিতৃকুলের কেউ না কেউ উপযুক্ত কর্তৃপক্ষের কাছে শংসাপত্র পেয়ে থাকতে পারেন। যদি কোন আবেদনকারী সেই ধরনের কোন শংসাপত্র তাঁর জাতিগত পরিচয়ের প্রমাণ হিসাবে পেশ করেন, তবে তার নিজস্ব পরিচয় এবং সেই শংসাপত্রাদিকারী ব্যক্তির সঙ্গে তাঁর রক্তের সম্পর্কের প্রমাণ দিতে পারলে এবং সেই শংসাপত্রটির সত্যতা নিরূপণ সাপেক্ষে আবেদনকারীকে শংসাপত্র প্রদান করা হবে।

১৮। অবশ্য, বেশ কিছু আবেদনকারী আছেন যারা প্রথম প্রজন্মের আবেদনকারী এবং সেক্ষেত্রে শংসাপত্র প্রদানের জন্য পৈতৃক রক্ত সম্পর্কীয় শংসাপত্র পেশ করতে অপারগ। এই সকল ক্ষেত্রে জাতিগত প্রমাণ ক্ষেত্র-অনুসন্ধান এবং গনশুনানীর মাধ্যমে স্থির করা হবে। এই সকল ক্ষেত্রে পরিচিতির সহজ করার জন্য এই নির্দেশনামার সঙ্গে সংযোজিত বয়ানে আবেদনকারীর কাছ থেকে একটি হলফনামা চাওয়া যেতে পারে যেখানে আবেদনকারীকে ঘোষণা করতে হবে যে, তিনি শংসাপত্র পাওয়ার যোগ্য। ক্ষেত্র-অনুসন্ধান এবং শুনানীতে যদি কোন বিরূপ প্রমাণ পাওয়া না যায়, তাহলে আবেদনকারীর জাতিগত পরিচয় এবং শংসাপত্র লাভের যোগ্যতা নিরূপনের



জন্য হলফনামাটি গ্রহণযোগ্য বলে বিবেচিত হবে।

১৯। প্রায়শই অভিযোগ আসে যে, একজন আবেদনকারী জাতিগত প্রমানের জন্য আবেদনকারীকে স্থানীয় ৫, এমনকি ১০ জন ব্যক্তির বিবৃতি উপস্থাপিত করতে বলা হয়ে থাকে। অনেক সময় সেই ধরনের বিবৃতি শিক্ষক বা সরকারী কর্মীদের কাছ থেকেও গ্রহণ করে দাখিল করতে বলা হয়। এতে আবেদনকারীর অযথা হয়রানি হয়। এই প্রসঙ্গে এটা পরিষ্কার করে বলে দেওয়া হচ্ছে যে, শংসাপত্রের আবেদনের নিষ্পত্তির জন্য এ ধরনের বিবৃতির কোন প্রয়োজন নেই। যেখানে শংসাপত্র পাওয়ার জন্য উপযুক্ত নথিপত্র নেই, সেক্ষেত্রে ক্ষেত্র-অনুসন্ধান বা গণশুনানী গ্রহণ করতে হবে। এই সকল অনুসন্ধান বা শুনানীতে স্থানীয় ব্যক্তিদের দেওয়া সাক্ষ্য নথিভুক্ত করতে হবে। স্থানীয় ব্যক্তিদের থেকেও এজাহার নেওয়া যেতে পারে। শংসাপত্র পাওয়ার জন্য আবেদন কোন নথিপত্র ছাড়া বা অপরিপূর্ণ নথিপত্র সহ হলে ক্ষেত্র-অনুসন্ধান / শুনানী এবং স্থানীয় পঞ্চায়েত/ পুরসভা থেকে পাওয়া শংসাপত্র এবং হলফনামার ভিত্তিতে নিষ্পত্তি করতে হবে।

২০। শংসাপত্র প্রদানের সকল দরখাস্ত সময়মত নিষ্পত্তিকরণের জন্য নিয়মিত ব্যবধানে বিশেষ শিবিরের আয়োজন করতে হবে। এই সকল শিবিরে দরখাস্ত গ্রহণ, গণশুনানী এবং শংসাপত্র বিতরণ করতে হবে। শিবিরগুলি এমন ভাবে সংগঠিত করতে হবে, যে দরখাস্তগুলি জমা পড়ার তারিখ থেকে আট সপ্তাহের মধ্যে নিষ্পত্তিকরণ করা যায়। যেহেতু বেশীর ভাগ আবেদনকারীই বিদ্যালয় এবং কলেজের ছাত্র-ছাত্রী, তাই এই সকল শিবিরগুলি উচ্চবিদ্যালয়ে এবং উচ্চমাধ্যমিক বিদ্যালয়ে আয়োজন করতে হবে।

২১। সাধারণভাবে, শংসাপত্র প্রদানের জন্য আবেদন জমা করার তারিখ থেকে আট সপ্তাহের মধ্যে তার নিষ্পত্তি করতে হবে, একবার জমা দেওয়ার পরে একজন আবেদনকারীর তাঁর আবেদন পত্রটি কী অবস্থায় আছে তা জানার অধিকার আছে। যদি আবেদনকারী দাবী করেন, তাহলে তাঁকে তাঁর আবেদনের সর্বশেষ পরিস্থিতি জানাতে হবে।

২২। শংসাপত্রের জন্য একটি নতুন আবেদন ফর্মের বয়ান (প্রচলিত বয়ানের সামান্য সংশোধন করে) তৈরী করা হয়েছে এবং সংশ্লিষ্ট ব্যক্তিবর্গকে জ্ঞাত করা হয়েছে। শংসাপত্রের জন্য উভয় বয়ানই পূরণ করে ব্যবহার করা যেতে পারে। বয়ানটি অনগ্রসর শ্রেণী কল্যাণ বিভাগের ওয়েবসাইটে (Website: [www.anagrasarkalyan.gov.in](http://www.anagrasarkalyan.gov.in)) পাওয়া যাবে। এই ব্যাপারে সর্বশেষ পরিস্থিতি সম্বন্ধে তথ্যাদি ওয়েবসাইটটি নিয়মিত দেখলে জানা যাবে। শংসাপত্রের ব্যাপারে সমস্ত মুখ্য নীতিগত সিদ্ধান্ত এবং তপশিলী জাতি/জনজাতি এবং অন্যান্য অনগ্রসর সম্প্রদায়ের সর্বশেষ তালিকা এই ওয়েবসাইটে পাওয়া যাবে।

২৩। তপশিলী জাতি এবং তপশিলী জনজাতির ব্যাপারে রাষ্ট্রপতির নির্দেশ প্রকাশিত হওয়ার পরে যে ব্যক্তি অন্য রাজ্য / কেন্দ্রশাসিত অঞ্চল থেকে পশ্চিমবঙ্গে স্থানান্তরিত হয়েছেন, সেই ব্যক্তিও শংসাপত্রের জন্য আবেদন করতে পারেন, যদিও সেই ব্যক্তি পশ্চিমবঙ্গ রাজ্যে প্রদত্ত তপশিলী জাতি এবং তপশিলী জনজাতির ক্ষেত্রে প্রদত্ত সুবিধা ভোগ করতে পারবেন না। সেই ক্ষেত্রে নির্দিষ্ট কর্তৃপক্ষ ঐ সকল ব্যক্তিকে শংসাপত্র প্রদান করতে পারেন, যদি সেই ব্যক্তি তাঁর পিতা বা মাতার নিজস্ব রাজ্য থেকে প্রাপ্ত নির্দিষ্ট কর্তৃপক্ষ দ্বারা প্রদত্ত শংসাপত্রটি পেশ করতে পারেন। তবে শংসাপত্র প্রদানের আগে যদি নির্দিষ্ট কর্তৃপক্ষ মনে করেন যে বিশদ অনুসন্ধান প্রয়োজন, তবে ঐ ব্যক্তি যে রাজ্য থেকে এসেছেন সেই রাজ্যে অনুসন্ধান হতে পারে। এই সব ক্ষেত্রে আবেদনকারী যে জাতি / জনজাতি ভুক্ত তা পশ্চিমবঙ্গের তপশিলী জাতি / জনজাতির তালিকাভুক্ত হলে বা না হলেও শংসাপত্র প্রদান করা যেতে পারে। এই শংসাপত্র একটি ভিন্ন বয়ানে প্রদান করা হয়, যা এই স্মারকলিপিটির সাথে সংযোজিত হয়েছে।

স্বাক্ষর  
প্রধান সচিব  
পশ্চিমবঙ্গ সরকার